

壽文一

天位乎上而有天之壽地位乎下而有地之壽人處乎中而亦
有人之壽天之壽何在廓然清明卽其壽地之壽何在屹然鎮
靜卽其壽人之壽何在冥然自足卽其壽風之壽人祝之者不
曰多福卽曰多男不曰多男卽曰多壽壽果在多福多男乎抑
果在多福多男并多壽乎而孰知人之吝福者祝之以多福也
可人之寡男者祝之以多男也可人之鮮壽者祝之以多壽也
可風之壽我祝之而不與人同者何居言其福則華堂僕從向
也會得其樂康言其男則長柱幼蘭今也彰明其頭角言其壽
則蒿山秀柏未來也炳著於青編則祝之者當不與人同而更

道藏輯要

呂帝文集

壽

室集五
八七川

有進乎此高乎此者進乎此而祝之得毋以地之屹然鎮靜者
祝之耶祝之不如是其迂也高乎此而祝之得毋以天之廓然
清明者祝之耶祝之不如是其遠也我祝之而進乎此高乎此
者不借天地之壽以爲壽卽實取人之壽以爲壽爲切近而得
旨也風之處乎今之境也塵牽孽固之境也以塵牽孽固之境
則不得不以清涼一劑散之以冥然者處境卽得以冥然者居
心此中休休自得狀將有日安於不足日自進於自足之境耳
風之壽於此其庶幾乎祝之差慰爲弟之殷勤求師之至意然
而壽之意則有然矣壽之情又何如則將採芙蓉以爲壽願秋
水多情光搖燦爛則將翦秋紗以爲壽願色添圓趣綴以新絲

則將餐菊實以爲壽願露浥仙姿神充養得我願固如是也而
風願亦如是耶風願果如是耶而我願何不如是也如是者終
有望乎人壽宴然之有得

道藏輯要

呂帝文集

臺

室集五
六十一